

## ADYAYA I

### PURWAKA

#### 1.1 Dadalan Pikobet

Basa Bali ngeranjing ring pelajahan muatan lokal sane keajahin ring sisia. Manut Permendikbud Nomor 79 Tahun 2014, muatan lokal inggih punika *bahan kajian* utawi mata pelajahan ring satuan pendidikan sane dagingnyane marupa muatan lan pelajahan ngenenin indik *keunikan* lokal. Ring satuan pendidikan, pemerintah daerah prasida ngangge mata pelajahan khusus muatan lokal pinaka soroh program intrakurikuler antuk jam pelajaran maksimal 72 jam per tahun utawi 2JP per minggu. Muatan lokal sane keanggen ring Bali punika mata pelajahan basa Bali. Peplajahan ring basa Bali punika wenten aksara (huruf) lan kasusastraan. Manut Widia Basa, ring basa Bali punika wenten papat materi peplajahan sane utama inggih punika tata basa, kasusastraan, aksara Bali, lan basa basita. Makasami materi punika kapolihang ring jenjang sekolah SMP kelas VIII. Basa Bali punika kaepah dados kalih soroh inggih punika basa bebaosan lan basa sesuratan. Basa sesuratan kasurat nganggen aksara latin lan aksara Bali.

Peplajahan nyurat aksara Bali kapolihang ring samian jenjang sekolah. Nanging pabinayannyane wenten ring daging peplajahan (*materi*) sane kaicenin. Sayan teguh jenjangnyane, sayan akeh daging materinyane. Peplajahan basa Bali ring Sekolah Dasar punika peplajahannyane malih

katelebin ring SMP, sekadi aksara Bali. Ring kelas VIII punika polih pasang aksara Bali lan nyurat aksara sane sederhana, minakadi. Pasang aksara Bali inggih punika pidabdab sajeroning nyurat aksara Bali, minakadi pangangge tengenan, pangangge ardasuara, rangkepan wianjana, pasang pageh, miwah sane tiosan. Nanging yadiastun materinyane nyurat aksara sane sederhana kari akeh sisia-sisia rumasa meweh ritatkala nyurat aksara Bali. Punika prasida kacingak ring pikolih melajah sisia sane kanton kirang rikala nyurat nganggen aksara Bali.

Ring SMP Negeri 4 Sukasada sampun ngelaksanayang Kurikulum Merdeka Belajar. Merdeka belajar inggih punika penyesuaian kebijakan mangda ngewaliang asesmen sane sampun sayan rered. *Konsep Merdeka Belajar* ngewaliang *sistem pendidikan nasional* madasar antuk undang-undang mangda ngicenin *kemerdekaan sekolah* menginterpretasi kompetensi dasar kurikulum sane kadadosang penilaiannyane (Nasution, 2021). Kurikulum Merdeka ngicenin kebebasan majeng ring sisia lan pusatnyane ring sisia, guru lan sisia bebas nentuang peplajahan sane jagi kalaksanayang (Rahmadayanti & Hartoyo, 2022).

Manut saking baos guru palajahan basa Bali ring SMP Negeri 4 Sukasada pikolih melajah sisia kari kirang. Yadiastun sampun nganggen makudang-kudang model peplajahan nanging pamuputnyane pikolih melajah sisia kanton kirang ri kala nyurat aksara Bali. Yening uratiang wenten kalih sane ngrannayang indike punika, minakadi *faktor* saking sisia lan *faktor* luarnyane. Sisia kirang melajah sane ngranayang nenten eling utawi lipia ring aksara Bali. Makeh sisia kari kirang pangresepnyane ring aksara lan pasang aksara Bali.

Kari wenten sisia sane durung hafal aksara Bali, punika ngawinang meweh ri kala nyurat aksara Bali. Faktor luar punika minakadi model utawi media sane kawigunayang ring peplajahan kirang kasenengin olih sisia. Materi aksara Bali punika kabaos materi sane meweh olih sisia santukan makeh pasang pagehnyane. Parisolah sisia sane obah lan nenten pageh ngawinang makehan sisia dangan mabaos nenten prasida nyurat aksara Bali. Pinaka Guru bahasa Bali sampun sepatutnyane ngrereh model peplajahan sane prasida nincapang rasa ngaat sisia melajah.

Model peplajahan sane anut prasida ngwangun uger-uger peplajahan sane becik tur maning madue pikenoh ring tata cara melajah utawi media peplajahan sane kawigunayang manut saking kawentenan kelas, dadosnyane peplajahan prasida ngliangin lan nyarengin sisia ri kala melajah (Afandi dkk,2013:18). Ring peplajahan wenten makudang-kudang model, silih sinunggilnyane inggih punika model kooperatif. Model peplajahan kooperatif madue cihna melajah ring tempekan. Wenten kalih sane ngranayang *cooperative learning* punika patut kaangge, manut saking tetilikan sadurungnyane peplajahan ngangge model *cooperative learning* prasida nincapang kawagedan sisia lan prasida nincapang melajah masekaa. Keping kalih, peplajahan *kooperatif* punika prasida kaanggen mangda sisia melajahin nganutin tata cara papineh lan nincapang kawagedan. Peplajahan nganggen model kooperatif prasida ngicenin galah majeng ring sisia melajah antuk pituduh sane *terstruktur* (Hasanah & Himami, 2021). Model kooperatif puniki yening katelebin malih, silih sinunggilnyane *model pembelajaran kooperatif*

*tipe TGT (Team Games Tournament). Model pembelajaran kooperatif tipe TGT puniki becik ring peplajahan aksara Bali (Putra, 2021).*

Manut Afandi dkk (2013:79) *Model pembelajaran kooperatif tipe TGT inggih punika model pembelajaran sane madue cihna wenten turnamen akademik tempekan (berkelompok), nyawis pitaken-pitaken, lan tata cara ngicenin biji (nilai/skor) kaanggen dasar ngicen biji turmaning kaanggen sikut nincapang kawagedan sisia. Ring model puniki, tempekan siki sareng tempekan sane lianan mawimbakara utawi macentok mangda ngamolihang jayanti. Model Pembelajaran Kooperatif tipe TGT dahat mawiguna kaanggen nincapang kawagedan mapikenoh (kognitif), kawagedan maparisolah (afektif), lan kawagedan maparilaksana (psikomotor) sisia, mawinan sisia sampun nglaksanayang peplajahan nganutin kawagedan mapikenoh (kognitif), saling tulungin ring tempekan kawagedan parisolah (afektif), lan sampun aktif ri kala kawagedan nyusun makarya aksara (psikomotor) (Putra, 2021). Pembelajaran model Teams Games Turnament sekadi melajah sambilang maplalianan. Dadosnyane yening ngangge model puniki sisia nenten waneh utawi kiap ri kala melajah nyurat aksara Bali.*

*Model Pembelajaran tipe Team Games Turnament ngicenin pikenoh sareng sisia, minakadi ngawentenang peplajahan bahasa Bali sane ngliangin lan jemet melajah utawi aktif (Putra, 2021). Model pembelajaran kooperatif tipe Teams Games Turnament kanggen nincapang kawagedang nyurat aksara Bali puniki pinaka pikobet sane katetilikin ri sajeroning tetilikan puniki. Antuk model pembelajaran kooperatif tipe teams games turnament kawagedan sisia nyurat aksara Bali pacang nincap.*

Tetilikan indik nincapang pikolih melajah sisia nganggen *model pembelajaran kooperatif tipe teams games tournament* sampun naenin katilikin olih para panilik. Umpaminyane wenten (Putrini Mahadewi, & Ngurah Japa, 2019) tetilikannyane mamurda, "*Pengaruh Model Pembelajaran Team Games Tournament (TGT) Bermediakan Questions Box Terhadap Hasil Belajar IPA*". Tetilikan puniki madue tetujon antuk nguningin pikenoh nganggen *Model Pembelajaran Teams Games Turnament* nganggen media *question box* ring pikolih melajah sisia kelas V Madrasah Ibtidaiyah Negeri (MIN) 2 Buleleng, Kecamatan Buleleng tahun ajaran 2017/2018 sane akeh sisianyane 93 diri. Pikolih melajah sisia nganggen *Model Pembelajaran Teams Games Turnament* sayan nincap saih nganggen *model pembelajaran konvensional*. Pikolihnyane  $t\text{-hitung} > t\text{-tabel}$  ( $4,75 > 3,15$ ). Dadosnyane model puniki madue pikenoh ring pikolih melajah sisia kelas V Madrasah Ibtidaiyah Negeri (MIN) 2 Buleleng.

Tetilikan sane pateh kaping kalih wenten I Gd. Gunarta(2018) antuk murda tetilikannyane, "*Pengaruh Model Pembelajaran TGT Berbantuan Media Question Card Terhadap Hasil Belajar IPA*". Pikolih saking tetilikan puniki *Model Pembelajaran Teams Games Turnament Berbantuan Media Question Card* prasida nincapang pikolih melajah IPA sisia kelas III SD Gugus IV Kecamatan Petang Tahun Pelajaran 2016/2017. Manut saking tetilikan-tetilikan dumunan, makehan nganggen piranti *question card, monopoly, ular tangga*, miwah sane lianan. Ring tetilikan puniki panilik meled nilikin paplajahan ngangen *Model Pembelajaran Teams Games Turnament* antuk wantuan kartu aksara Bali. Tetilikan puniki dereng naenin kalaksanayang ring SMP antuk punika, panilik ngangge SMP pinaka jejering tetilikan puniki.

Saking kekalih tetilikan punika prasida kasinahang *Model Pembelajaran Teams Games Turnament* prasida nincapang pikolih melajah sisia. Dadosnyane ngangge *Model Pembelajaran Teams Games Turnament* anggen nincapang kawagedan sisia nyurat antuk Aksara Bali Sisia Kelas VIIIIB SMP Negeri 4 Sukasada prasida kalaksanayang.

## **1.2 Ngrereh Pikobet**

Sajeroning tetilikan puniki, panilik ngrereh makudang-kudang pikobet sane mapaiketan sareng dadalan pikobet sane sampun kabahbahang ring duur. nganggen *Model Pembelajaran Teams Games Turnament* anggen nincapang kawagedan sisia nyurat Aksara Bali Sisia Kelas VIIIIB SMP Negeri 4 Sukasada. Pikobet sane karereh mangda Pikobet sane sampun karereh minakadi: (1) sapunapi tata titi sane kaanggen olih guru sajeroning ngangge *model pembelajaran teams games tournament* anggen nincapang kawagedan sisia nyurat Aksara Bali Kelas VIIIIB SMP Negeri 4 Sukasada, (2) sapunapi kawagedan sisia nyurat Aksara Bali Sisia Kelas VIIIIB SMP Negeri 4 Sukasada ngangge *model pembelajaran teams games tournament*, (3) sapunapi panampen sisia ring kawentenan nganggen *model pembelajaran teams games tournament* anggen nincapang kawagedan sisia Aksara Bali Sisia Kelas VIIIIB SMP Negeri 4 Sukasada, lan (4) napike *model pembelajaran teams games tournament* prasida kaanggen ring materi bahasa Bali sane lian.

## **1.3 Ngewatesin Pikobet**

Sajeroning tetilikan sane kalaksanayang katureksain malih pikobet sane sampun karereh. Pikobet punika kawatesin santukan wenten makudangkudang

parindikan, minakadi tetilikan kabanda antuk galah, lan ngicenin imba majeng ring panilik siosan mangda nyangkepin saha ngamargiang tetilikan manut kaweruhan widya sane lianan. Pikobet sane kawatesin inggih punika: (1) sapunapi tata titi sane kaanggen olih guru sajeroning nganggen *model pembelajaran teams games tournament* anggen nincapang kawagedan siswa nyurat antuk Aksara Bali Kelas VIIIIB SMP Negeri 4 Sukasada, (2) sapunapi kawagedan siswa nyurat Aksara Bali Siswa Kelas VIIIIB SMP Negeri 4 Sukasada nganggen *model pembelajaran teams games tournament*, lan (3) sapunapi panampen siswa ring kawentenan nganggen *model pembelajaran teams games tournament* anggen nincapang kawagedan siswa nyurat Aksara Bali Siswa Kelas VIIIIB SMP Negeri 4 Sukasada.

#### **1.4 Bantang Pikobet**

Malarapan antuk dadalan pikobet ring ajeng, prasida karincikang bantang pikobet puniki inggih punika:

1. Sapunapi tata titi sane kamargiang olih guru sajeroning nganggen *model pembelajaran teams games tournament* anggen nincapang kawagedan siswa nyurat Aksara Bali Kelas VIIIIB SMP Negeri 4 Sukasada?
2. Sapunapi *model pembelajaran teams games tournament* prasida nincapang kawagedan siswa nyurat Aksara Bali Siswa Kelas VIIIIB SMP Negeri 4 Sukasada?
3. Sapunapi panampen siswa ring kawentenan nganggen *model pembelajaran teams games tournament* ri kala nincapang kawagedan siswa nyurat Aksara Bali Siswa Kelas VIIIIB SMP Negeri 4 Sukasada?

## 1.5 Tetujon Tetilikan

Malarapan antuk pikobet sane sampun karincikang ring ajeng, tetujon tetilikan puniki inggih punika:

1. Mangda prasida mahbahang tata titi sane kamargiang olih guru sajeroning nganggen *model pembelajaran teams games tournament* nincapang kawagedan sisia nyurat Aksara Bali Sisia Kelas VIIIIB SMP Negeri 4 Sukasada.
2. Mangda prasida mahbahang *model pembelajaran teams games tournament* anggen nincapang kawagedan sisia nyurat Aksara Bali Sisia Kelas VIIIIB SMP Negeri 4 Sukasada.
3. Mangda prasida mahbahang panampen sisia ring kawentenan nganggen *model pembelajaran teams games tournament* nincapang kawagedan sisia nyurat antuk Aksara Bali Sisia Kelas VIIIIB SMP Negeri 4 Sukasada.

## 1.6 Kawigunan Tetilikan

Kawigunan telitikan sane mamurda *Model Pembelajaran Teams Games Tournament* kanggen nincapang kawagedan sisia nyurat Aksara Bali Sisia Kelas VIIIIB SMP Negeri 4 Sukasada, inggih punika:



1. Kawigunan Teoretis

- a. Tetilikan puniki kaaptiang madue pikolih guna ring sajeroning panglimbakan widia (teori) indik *model pembelajaran kooperatif tipe teams games tournament*.
- b. Tetilikan puniki kaaptiang madue pikoleh guna ring panglimbakan kaweruhan ring *ilmu pendidikan*, cutetnyane palajahan basa Bali.

2. Kawigunan Praktis

a. Majeng ring Sisia

Saking tetilikan puniki kaptiang madue pikolih prasida ngwehin rasa tetulud (motivasi) sisia antuk melajah nyurat ngangge aksara Bali

b. Majeng ring Guru Basa Bali

Saking tetilikan puniki kaptiang madue pikolih prasida ngwantu guru basa Bali, pamekas guru sane wenten ring SMP Negeri 4 Sukasada sida nganggen *model* peplajahan sane becik lan anyar utawi *inovatif*, dadosnyane peplajahan prasida ngamolihang pikolih sane becik.

c. Majeng Penilik Tiosan

Saking tetilikan puniki kaaptiang madue pikolih mawiguna majeng penilik tiosan, anggen piranti sane mabinayan utawi pratiwimba ri kala nglaksanayang tetilikan sane pateh.

d. Majeng Panilik

Pikolih tetilikan puniki, kanggen dasar majeng ring panilik ri tatkala benjang pungkur ngajahin ring sekolah-sekolah ngangge model pamelajahan sane becik lan anyar (*inovatif*).